

道門通教必用集卷之三

帳三

鶴林道士呂太古集

讚詠篇

五方衛靈呪此呪固非讚詠篇所編

說錄者多故著于此俾自童子時點

檢則終身皆用也又按此呪皆制邪

之文故皆有我字或有改為臣字誤

也誦呪發爐存神之後方是關奏上

真初無懺爾並依金錄儀

及藏經諸處契劫錄出

東方

九氣青天明星大神煥照東鄉洞映九門轉

燭陽光掃穢除氛開明童子備衛我軒收魔

束妖上對帝君奉承正道赤書玉文九天符

命攝龍驛傳普天安鎮我得飛仙衆和未句

南方

南方丹天三氣流光熒星轉燭洞照太陽上

有赤精開明靈童總御火兵備守三宮斬邪

束妖翦截魔王北帝所承此呪皆以制魔伏

凡行道之人爾凡伏羣魔皆屬北帝此云北

帝所承或有以爲南方呪改爲赤帝誦之誤

也此爲害義

不得不明之

風火八衝流鈴交煥敢有不從

正道流行我身上功保天長存億劫無終

截魔王字藏中科儀一

口魔凶則顯方叶爾

西方

七氣素天太白流精光耀金門洞照太冥中

有素皇號曰帝靈保神安鎮衛我身形斷絕

邪源王道正明宮殿整肅三景齊并道合自

然飛升紫庭靈寶符命普惠萬生功加一切

天地咸寧

北方

北方玄天五氣徘徊辰星燦爛光耀太微黑

靈尊神飛玄羽衣謂黑靈尊神衣飛玄之羽

服或有避爲飛仙羽衣則

善備守五門檢精捕非敢有干試豁落斬摧

玉符所告神振八威邪門閉塞正道明開映

照我身三光同輝謂身與三光同輝或

改爲三宮洞輝誤也

駕浮舉形仙飛正

中央

黃中總氣總統仙真鎮星吐輝流煥九天開

光童子一十二人元氣炎精鍊上朱烟儀中

鍊上或曰

炎上誤也

洞照壇所及得我身百邪摧落却

鬼萬千中山神呪普天使然五靈安鎮身飛

上仙

五鍊生尸寶章

東方龍漢始青九陽梵華之氣寶章

九陽迴妙氣三景散元精碧霄浮靈暮青林

繁淑英超遙玉清府遠邈蓬萊瀛真化通無

間神風滋萬生

南方赤明丹光三陽梵靈之炁寶章

浩劫開神運龍文泛赤霞八威奔電激九風

破凶邪鍊度丹皇室飛升元始家炎明常繼

照靈慶襲晨華

西方延康素靈七陽梵英之氣寶章

皇老儲靈粹金精耀斗威六天成馘滅萬寶

復幽微爽氣浮高闕寒光靄素輝空洞披玉

勒空洞之文勒字王簡

故云玉勒披開也

華麗九霄飛

北方開皇玄上五陽梵混之氣寶章

五氣符元妙諸天混太冥神旌飛羽黑神旌

飛揚也

玉女散花青紫策封天寶玄文凜帝

玄天之文嚴重於帝耳文

言爲凜也玄天玄風皆誤

羣魔欽至化

萬國保安寧

中央上皇中靈一陽梵寶之氣寶章

混黃生一氣感化結真形上德持柔順金光

洞杳冥建中該九極執本統三辰燁燁天端

上飛芒耀玉靈

外壇讚詠

壇外法事字字皆以拔度為本誠非細事况是施主追悼之際慘戚裝懷詠歌詞曲尤為不便今取前有偈頌及新添

以助行事庶幾典雅

開方偈趙明舉

先吟此偈然後開方四人送唱以意解揚

六蟬回馭息虞泉城郭樓臺入暮烟夜漏初傳人已靜陰關仍闢鬼為塵玉隆有會如何向里域分司守護堅欲得大方隨處去須憑真話為數宣

第一度召請諸神偈 新添以大聖仙元教主四聲吟

龍駕相將下紫清遍延羣聖鑒旛旌諸神恣自無方至雲裏追班聽蹕聲

第二度召亡人偈

夜府多寒閉苦冤女青天詔制辭溫靈播啓道招遊奕符吏勿勿為駿奔

第三度召請偈

大道哀深六趣幽長於苦海駕慈舟紫壇夜

水開方便躋入洪釣一氣收

深浴偈 先同誦八天梵文令法師存想取三十二天真氣入浴水然後吟此偈偈畢一童子誦文引科偈

總因心垢難滌洗苦海漂流不淨身津津惡障未祛除穆穆清光難禮觀金龍負致長庚

水王女分傳御坐香三熏三沐整威儀躡景乘虛朝太上

引沐浴儀語

上來奉召所薦亡者已承溫詔得出寒鄉隨符吏之匆匆不行而至望旛竿之紗紗應召而來將朝對於軒墀即受傳於符戒先須澡身浴德振衣彈冠敬憑神呪以護符請就蘭湯而濯濯四靈備衛九氣密羅澡浴儀文請為宣示

法橋偈

普獻無邊聖香煙散十方願乘七寶臺垂光五濁世永度人天衆咸令上法橋同會證無為勤修不退轉

法橋文

合道場人至心歸命十極虛皇之聖五靈引

導之童願賜慈悲特垂救度竊以欲海深而易溺當究濫觴道岸高而難登孰為援手由性情之迷悟致霄壤之升淪嗟彼衆生處於濁世愛流成海虐浪滔天貪嗔騰洶洶之波結習自涓涓之滴逐物而就死者滿目皆是反身而達岸者舉世實希豈無汲引之門救此漂淪之苦惟

太上憫衆生之俱溺設妙法以為橋命十極天尊作聖涯之砥柱詔五靈童子為道海之津梁拔出迷途達于彼岸濟弱水三千萬里搏音剛風五百億重不踰俯仰之間即至逍遙之境端在心源自反法力愈加一舉足而不失正因九頓首而上朝元始更惟衆聖密賜護持庶令苦海之冤俱遂法橋之上

次和

法橋大度天尊

引亡人上法橋

次舉

下橋偈

津梁苦海法為橋太上慈悲願力饒虐浪中

流逢砥柱愛河斷岸得仙船音公子靈樞祛
塵滯天尊援手互招邀接武下橋趨玉陸大
方無礙信逍遙

為亡者皈依三寶懺罪

亡過某等已承告召得屆道場將傳金口之
戒言祇佩丹文之簡籙然未祛於宿障恐莫
悟於至言敬依

三寶之威光為懺六根之罪累蓋非從心起
滅心則萬咎水消志以道寧見道則一靈朝
徹宜在洗清情識蠲潔性靈速捨妄以歸真
庶聞經而契道夫作善建齋傳符受戒者先
當皈命無上至真十方三寶仰仗三寶聖力
為亡者懺悔三業罪愆故經云若不皈依三
寶是故善法無所依憑合道場人同誠皈命
皈命十方道寶頂禮元始天尊能為所薦亡
魂解除身業罪

懺悔亡者身業無邊罪種種益難量舉止去
來間滯染諸塵垢華飾貪逸樂做誕世間人
今對大慈尊一心陳懺悔願此身業罪消除
永不生清靜契神仙永離三邊界

皈命上清經寶頂禮太上道君能為過去亡
魂解除心業罪

懺悔亡者心業無邊罪種種益難量喜并
愛憎妄想從心起嗜欲兼虛妄嫉妬世間人
今對大慈尊一心陳懺悔願此心業罪消除

永不生智識均開明洞達希夷理

皈命太清師寶頂禮太上老君能為過去亡
魂解除口業罪

懺悔亡者口業無邊罪種種益難量兩舌及
浮言毀謗諸經教唆食有情物害辱世間人
今對大慈尊一心陳懺悔願此口業罪消除
永不生絕彼是非言常演真經教

向來皈依三寶懺悔勝因惟願亡人往生天
界花臺寶蓋雲際來迎絳節青幢空中接引
駕林樹下常聽仙經寶月池邊惟聞雅梵生

前萬罪從此消除破後三塗因今解釋來龍
駕鶴逍遙十極之天悟道登真自在三清之
境福流見在再果常來此世他生長親至道
洪惟

上聖充鑒精誠撈渡羣生俱登道岸和不可
思議功

德

又一首

稽首歸依道大羅元始尊杳冥開祖劫混沌
立元根願垂清靜教救度此亡魂和往生
神仙界下

稽首歸依經真文煥八方鍊金成鳳篆捧玉
寫龍章願開金口演救度此亡魂

稽首歸依師三乘眾中尊先天垂慈濟歷劫
度迷昏願垂無量法救度此亡魂

懺悔亡者眼耳鼻舌身意罪六根六欲六情
慾管絃嘹唳少真音耳紫綠輝華非正色

蘭麝旌裝馨香處鼻車馬爭馳馳時身甘
辛不節自傷神喜怒無常惟奪算意係六
根之罪

六根每引輪回路或以六根為
三邊誤也三寶常關撥
拔門以今發露首前愆總願罪根盡消滅

次懺慳貪瞋怒愚癡罪邪姓偷盜殺生怨謗
經毀教不皈依怨道各師違誓約身心妄想
無休息眼耳生貪不往時未來過去及今生
三世罪根難可測此日發心陳懺悔從前障
惱願消除言詞既向道前陳眾聖定於空裏

鑒不可思議功德眾等各各彈指為亡者懺
罪願亡者身業消滅心業消滅口業消滅六
根消滅冤債消滅業障消滅萬罪消滅

願亡者眾罪如霜露惠日普消融今世與來
生受性常清靜亡冤出長夜滯爽達仙源北

都除愆過之文南府注長生之字詠讚仙歌

空洞響不聞地獄苦冤聲眾等各發至誠心

亡者生天受快樂已上兩篇並出九幽儀係廣成先生修定

懺罪投戒說引亡人歸位次安慰云

亡者某等已對三清親傳九戒即肅恭而諦

受宜寅畏以欽承仍備肆筵各惟就序享芬

芳之嘉薦俟周滿之洪因齋主望靈虔誠設

拜或咒食即於此為之或未咒食於此回向出九幽儀

送亡人法事出回橋儀

今則齋事周圓法筵斯罷宜承善利共沐殊

勳逐慧光而親天尊捧符命而登仙界亡過

某等既已聞經聽法必能見性知天仰侍丹

輿便昇雲路上昇仙橋於此際登朱陵府向

令時既得超生各流恩福齋主虔誠謹當奉

送

偈

法筵勝會功圓滿速逝新亡盡往生齊向昇

仙橋上過各齋功德禮

三清

道門通教必用集卷之三

正一天師清微弟子 洪百堅 製作
道教學術資訊網站

道門通教必用集卷之四

帳四

勸 道士 呂太古集

啓奏篇

高功上御案香祝

玉華散景 九氣合烟香 雲密羅 逕衝九天

侍香金童 傳言玉女上闈帝前 令臣所啓

感乞如言

上手爐香祝

道由心學 心假香傳 手執玉爐 心存九天

真靈下盼 仙旆臨軒 令臣闈告 逕御三天

上手案香祝

朱陽九霄 蔚謁元晶 靈鳳來翔 上朝玉京

流結感化 仙道克成 願此丹禱 隨烟迅升

上手爐香祝

百神羅刑 心存洞陽 左命真伯 右挹元皇

開發靈篇 大梵隆昌 紫烟上達 萬道丕張

祝香後入意文

伏聞杳杳太清境隔世幾塵蕤蕤無上尊與

人絕迹敬憑齋戒輒布懇祈願垂降鑒之私

少示感通之妙遙瞻雲馭暫離紫霄絳闕之